

NOSTALGIE-PREIS

CHF 4.00!

HÄGEDÖRFER- SPÖIZ

Herausgeber: ROOT-RAT

2013

AKTUELLE

HOCHBRISANT

unabhängig

SPONTAN

INFORMATIV
NEUTRAL

NIETTSICHER

35.
Ausgabe



Ab i Süde

Maiorca, Ibiza und söschs so Insle,
döt chasch de zünftig umepinsle.

E chli trinke e chli tschille,
döt unde gsesch's met anderer Brille.

Do obe got's ned emmer e so ring,
„politisch“ gets öppe eis a Gring.

Muesch ir Schuel ned öppe welle
met Rickebacher-Schuelchind zelle,
lueget säuber der Säck,-heit nume ned welle.

Die Einte so die Andere so
und wo isch der Gmeindrot wo?

Dä isch ebe zwüschedrinn und mängisch gäbig,
de muesch ungedure, und grad weder ufstoh, de blübsch läbig!!

Nei as nei so schlimm isch de au ned gsi!
Öpe mau bisch met andere Theme ganz derbi.

E Meerzwäckhaue hei mer brocht bi gueter Stimmig,
aso 2 oder 3 hei scho gluegt chli grimmig.

Die Meischte aber hei Freud gha dra, dass me nach so mängem Johr ringe,
doch no nes Projekt cha bringe.

Ebe so isch's Läbe, einisch obe einisch unde
und das tuet die Sach au runde.

Auso der Gmeinrot hauts jetzt i Süde ab,
e gebe mis Zepter für ne Monet ab.

Ned eine blübt elei, öb gross öb chli
am Fasnacht's-Umzug si mer all derbi,
so schön cha Fasnacht si.

So jetzt rüefe mer dāme Roote,
chom und zeig is wär du bisch du Fasnachtsbote!



Der Chef
vom Dorf

Hilari 2013

Ausgabe: 01/2013(35. Jahrgang)
Unbeglaubigte Auflage: 450 Exemplar
Erscheinungsweise: 1mal jährlich
Redaktion: Hägedörfer Spöizer
Herausgeber: Root-Rat Hägendorf

Proklamation für Hilari

Us Root dr XXVI stohn ig vor euch do,
vom Studer Albert han ig dä Bäse übercho.

Mit Freud regier ig über d Fasnachtszyt,
zum Glück isch die nümme so wiit.

Chalt ha und früüre wei mer das Jahr nid,
drum göi mer zäme ab is Süde i grosse Schritt.

D Jeannette mi Sekundant duet me unterstütze,
mit ihre zäme bringe mer euch zum Schwitze!

Ig bi dr Root hüür vo de Schlümpf
und die Schlümpf chani euch säge, si ganz grossi Trümpf.

Z`Hägedorf bini ufgwachse, es isch für me e Wucht.
Das schöne Dorf mit dere einzigartige Tüfelschlucht.


Do duets mer jetzt sogar no meh gfalle,
sett mer jo greit hei zunere Mehrzweckhalle.

Au das d`Schuel im Dorf bliibt duen ig sehr schätze,
duen ig doch au ab und zue dort obe sitze.

Dass d Fasnacht i d`ferie fallt stört eus nid,
legget alli e Maske oder e roti Nase a und machet mit!
flüüget mit, ab i Süde ohni Zwüschestopp!

s`Programm vo Höekeler, Gugge, Schlümpf und allne fasnächtler isch top,
Nach minere Red mache mer alli zäme no e Tanz,
machtet mit, öb mit oder ohni Eleganz.


Doch jetzt wott ig kei Zyt meh vergüüde,
höre uf und säge nume no




ROOT XXXVI.

AB I SÜDE!






Pommes Chips, Cola esch alles parat,
 eg warte nome no uf e Start.
 Dä Match am Fernseh werd dr Hit,
 dr Roger Federer esch jo fit.
 Doch eg be haut scho chli e Depp,
 das woni luege esch ned das woni wet.
 E Ufzeichnung vomene aute Final due eg gaffe,
 das mache nor die dömmste Affe.
 Röno Ritter



Beim nächsten Mal...
 ...werde ich meinen Umzug
 bestimmt besser planen,
 dass ist versprochen!
 Dann müssen die Helfer
 nicht fluchen, schreien und
 die Stimmung wird nicht überkochen.
 Koch Stefan vom Chöuchli




**IM FACEBOOK CHASCH OHNI DAS WOTSCH ERSCHIENE
 DOCH DÖU DEPPE DÖI SECH SOGAR SÄUBER INE
 DAS EHRI BETTDECKI IM BAUM DUET HANGE HET SI NED WÖUE
 ABER TROTZDEM DUET SE SOFORT ES FÖTELI IS FACEBOOK STÖUE
 ES WÄR SUPER, WENN SE GRAD E SPRUCH CHÖNT DICHT
 DE MUESS ZITIGSKOMITEE ÜBERS CHRIGI BRACK NÜM SÄUBER BRICHTE**



ÖFFNIGSZYYTE ROOT-HUUS

Schmotzige Donschtig: 13:36 bis 18:36
 Fasnachts-Frytig: 13:36 bis 18:36
 Umzugssamschtig: 14:36 bis spät
 Sonntig: 16:36 bis 19:36
 Rosenmäntig: 13:36 bis 18:36
 Fasnachts-Zyschtig: 13:36 bis spät




Die meischte Lüt zahle brav ihri Stüüre
 Derzue no diversi Abfallgebühre
 Der Schnägg dänkt: das kümmeret me nüt
 Zahle sölle für me die andere Lüt
 Eg entsorge mis Grüenguet i der Friedhofmulde
 Süsch chumi wäg de Gebühre am Änd no i d'Schulde
 Däm Triibe isch jetz aber der Riegu gstosse
 Neuerdings isch die Mulde nämlich bschlosse
 Wo der Kurt das merkt wird's ihm ganz heiss
 Är findet das der gröschti Scheiss


**TUT DEINE SINNE VON DIR AUF DIE FREISE KRIEGEN,
 WIRD SIE DICH DANACH NICHT MEHR LIEBEN.
 FAM. VAN DER VAART**



**DR IGANG ZUM GEISSESTALL HET KEI TÜR ME DRA
 GEISSE WERNI WETSCH E NÖI HA
 NEL, NEI DAS MUESS NED SI, SEIT ÄR MEIME LACHE
 EG CHA JEDE OBE BRÄTTER HÄRE MACHE
 UND AM ABEND WERDEN BRÄTTER IN DIE TÜR GEHÄMMERT
 WERDEN DIESE WIEDER WEGGERISSEN
 UND DIE GEISSEN KÖNNEN RAUS ZUM SCHI.....EN**




Uf em Luxusdampfer quer durs Meer chli schippere
 Das esch besser als i dr Hippere
 Dr Hanssepp i dr grosse, grosse wite Wält
 Är het es paar Mou di falschi richtig g'Wählt
 Zum Glöck kennsch z'Hägendorf alles und jede Egge
 Drum cha sich di Orientierigssinn verstege







Es Velotürli macht är voller Gnoss
 hautet a, wou är es Tier gseht doss
 duets füetere und scho get's es Gschiss
 wou är e sinere Hand jertz het e Biss
 es esch e Esel gsi, das esch bekannt
 velecht esch dä met em Bisu sogar verwandt



Gesucht wird...
 ...ein Natelladegerät!
 Dieses wurde zuletzt gesehen in Adalboden
 Liegengelassen, Akku leer-kann nicht telefonieren,
 bin am Boden zerstört.
 Hesi Dodel



UNSERE AUSAHRT ...
 ...IST FÜR EIN AUTO MIT GARANTIE NICHT ZU SCHMAL
 WURDE MIT EINEM SMART GETESTET,
 AKA SENIORENZENTRUM HÄGEDORF,
 HAT GEKLAPPT UND REICHT ALLEMAL



HÖCKELER-MASKENBALL

Rosemändig - 20:00 bis 03:30 Uhr
 mit 5-Mann Band "Magic-River-Band"
 Hägageri Gugge Hägedorf,
 Stedtlhüpfer Weidlisbach,
 Gäuschränzer Gunzge,
 Chräleschränzer Egerchingel
 ...und anschliessend...
 ins Bistro Vögeli-Beck zum
 Power-Frühstück ab 03:30 Uhr



An die Einwohnergemeinde,
 z.H. Bauverwaltung

Offerte
 Sanierung des roten Platzes

Kosten
 CHF 83 '000.- exkl. MNSt.

Leistungsumfang
 Einbringen neue Abdichtfolie
 Entsorgung des Altmaterials
 Auftragen Sportbelag


Ausführung
 Sommer-Herbst 2012
 (falls wir genügend unqualifizierte Arbeiter finden)

Garantie
 Keine
 (wie bei den letzten 5 Sanierungsaktionen sowie dem damaligen Bau)


Freundliche Grüsse
 Sanierungs-AG roter Platz
 (gegründet 1978)

PS:
 Nachfolgeofferte für den Wassereinbruch
 beim Hallenbad folgt garantiert

Cervelats frässe sötsch gemäss Kassesturz grad vergässe,
 sösch chönntis denn no gscheh, das es Ranzeweh duet geh.



"ZOM ZÖGLE HET ÄR ES LASCHTWÄGELI G'MIETET
 BE DE CHÖSCHE HET ÄR GAR NET G'NIEBET
 ÄR HET EINE MET ERE HEBEBÖNI G'NO
 AM TAG VORHÄR DÄ CHARE G'LADE
 DASS ME AM MORGE FRÜHE GRAD CHA ABFAHRE
 LEER ESCH MACHT DÄ CHARRIE ERE TANK
 AM KAMBER BEM AUTO DO SETTISCH DRA DÄNKE
 UND IM LICHT ABLÖSCHE MEH BEACHTIG SCHÄNKE"






Si het aue Schnick-Schnack wo me sich wünsche cha
 Mängs Liechtli und Chnöpfli het's ou no dra
 Die nöi Familie kutsche vo Grabers esch vou der Hit
 Die ganz Familie het Platz und fahrt mit
 d' Sevi loht sich vo der ganze Technik ned lo iritiere
 ned bim fahre und ned bim parkiere
 doch leider blibt dä moderni Chare plötzlich stoh
 s'goht nüt me – das cha jo gar ned goh
 d' Garage Bobnar schickt sofort e Montör – ganz nätt
 zum Glück g'seht dä sofort – s'Outo würd fahre wenn's Benzin hätt




MER MÖI GRÖSCHTET SIE FÖR E ANGRIF VU USSE
 S'CHÖNT JO CHO ZOMENE IMARSCH VU DE RUSSE
 FÖR DIE BESCHTI ARMEE VOR WÄUT MUESS ES SI
 MÖI MER ICHOUFE, JETZ MUESS ES WÖRKLICH SI
 E NÖIE FLÜEGER FÖR 3 MILLARDE MUESS NÖIE HÄNNE
 DERMIT MUESS SECH DE ÖISI ARMEE LEIDER SCHÄME
 EUROFIGHTER UND MIRAGE CHOSCHTE LEIDER Z'VÖU
 DROM BLET NUR DR'SCHWEDEFLÜEGER EM SPÖU
 DAS ESCH DR'BESCHT JETZT GSETT DAS ÄNDLECH EMOU I
 DR GRIPE KÖNNT EKEI GÄGNER NOME TAMIFLU FO BASU AM RHY




Amerika duet e nöie Präsident wählē,
 me wäut ned die Brune, Rote oder Gäle.
 Ou ned zwösche Cowboys und Indianer,
 sondern zwösche Demokrate und Republikaner.
 Der Demokrat heisst Barack Obama
 und wett gärn e witeri Amtszit ha.
 Der Republikaner heisst Mitt Romney
 und verfüegt über e huffe Monney.
 Mit em Gäud für dä Wahlkampf – e wette,
 hät me hunderti vo Mönsche chönne rette.
 Es riesigs Theater wird insziniert,
 uf beide Site wird iifrig intrigiert.
 Wele het die wisseri Weste?
 Wele könnst s' Land am beste?
 I Färnsehshows gäi si sich ufs Dach,
 oft artets us – e lächerlichi Sach.
 Wär darf am Schluss is Wisse Huus,
 bim Prozedere chunsch fasch ned drus.
 So öppis gits nur i de USA,
 übrigens, gwunne det der Obama.

Es Firmeauto duet är neu becho
 zu dämm wird gluett das esch e so
 plötzlich är am Chare öppis fendet
 seit nur e wott, dass das verschwendet
 goht ine und nimmt s'Putzzüg voller wuet
 d'Frau seit no zo ehm das chonnt ned guet
 dä Schwomm wo är het gno macht nome Chatzer
 für e Hirrlinger Renato esch das e riese Patzer



**ÖPPIS WAS ÖIS BSUNDERS DUET GFALLE,
 ISCH S' JA ZUR NÖIE MEHRZECKHALLE!**

Am Sylvester hei si Gäscht
 gli scho druf wot är is Näscht
 stoht uf und esch de sofort gange
 blibt aber met de Füess am Teppich hange
 wie bim „Dinner for one“ esch das gsi
 doch är gheit met em Chopf i Kaktus dri
 derzue het's ehn so ofe Bode brätscht
 dass är sich het no s'Rippi quätscht
 d'Frau het 10 Stachle zoge us sim Chopf
 Flammer Guschti besch e arme Tropf



SENIOREN-FASNACHT

Fasnachtsfreitag ab 13:30 Uhr
Turnhalle Oberdorf

Spiel, Spass und Attraktionen
Organisiert durch die Hågageri-Gugge
Im Auftrag der Einwohnergemeinde



Der Wind der Wind dä chonnt ganz geschwend
drum luftet's ehm der Huet vom Grend
us der b'Schütli muess är ne go hole
jetzt esch au no dräckig sini Sohle
am 1.1. esch ehm das bereits passiert
für's 2013 het der Lili der Schiessdräck scho kassiert

Zutaten für eine leckere Fasnachtssuppe

- 1 neue Mehrzweckhalle
- 1 stark befahrene Kantonsstrasse
- 1 mal überfüllte Klassenräume Hågendorf
- 1 mal leere Klassenräume Rickenbach
- 2 Gemeinderäte
- 3 Vorschläge
- 1 Expertenmeinung
- 1 Kommission mit Gegnern
- Ein wenig gesunder Menschenverstand


(Nicht zuviel, da sonst der Geschmack der Expertenmeinung übertüncht wird)

Zubereitung:

Alles mischen, leicht vor sich hinköcheln lassen und
bei passender Gelegenheit dem Volk servieren.

Serviervorschlag:

Im Prinzip ist es egal, wie Sie die Suppe zubereiten und
servieren. Vielleicht möchten Sie diese Suppe ja auch gar nicht
zubereiten. Klar ist nur, dass das Volk am Ende die Suppe roh
oder gekocht auslöffeln wird.



A der Chöubi ischs wie jedes Jahr,
z'vöu gsoffe – me grotet sich i d'Hoor.
Aus Bsuecher zu spoter Stund muesch derdoor,
ar Chöubi wird jöhrlich gschleglet, das isch wohr.



Uf Gampel as Openair sölls goh,
voll gepackt gohts los mit em Auto.
Z'ercht gohts via Bärn uf Kanderstät,
für is Vallis ischs der beschti Wäg.
Vo dört wird s'Auto per Zug transportiert
und genau denn isch s'Missgeschick passiert.
D'Ampele isch rot, me mues chli warte,
bis me denn ufe Outozug cha starte.

Die Pouse isch grad gläge cho,
d'Froue müesse rasch ufs WC go.
Chum wäg, s'esch ned für möglich z'haute,
duet die Ampele uf grünen umschaute.
Der Fahrer mues ufschliesse – cha ned warte,
churz drufabe duet der Zug ou scho starte.
Die beide Froue chöme zrug und wärde bleich.
Per Outostop si denn die Naare
Keis Auto, keis Händy, gei Gäud – was für ne Feich
Sadine und Nimi Christ



Chomm mer göi weder mou go Skifahre
und scho hocke si zäme im Chare
z'Adelbode acho esch's Zimmer bereit
döt enne plötzlich Eini schreit und seit
Maa, du hesch mis Beautycase Deheim vergässe
und scho esch der Vögeli Fritz weder im Auto gsässe






13 Mio. Franken in eine MZH investieren,
doch die Spielgruppe kann von keinem einzigen
Franken Gemeindebeitrag profitieren.



Wenn bi der **Raiffeisenbank** a Schalter wotsch go,
nem ned dà wo e Maa met Krawatte duet stoh.
Wetsch vo em chlini Euro-Note goh,
müessti dà extra i Cheller goh,
Drom duet àr der haut grossi gäh,
das sig ou Geld söusch die jetz nàh.
Anstatt für en öuteri Frou es paar Zahlige mache,
werd die geschickt uf Post met däm Bargäld, s'esch ned zum lache.
No vöu so Sache döl be dem passiere,
öis eschs rächt, jetz duet àr z'Chappu ikassiere.


Wer kann mir bei folgender Rechenaufgabe helfen:
Garagentor < Neues Auto
Ich kann die Lösung einfach nicht finden.
Hilfe bitte an den Engel an der Bachstrasse



Nach dem Musikfest gemeinsam nach Hause fahren,
so haben sies abgemacht die Naaren.
Doch leider hat's einer vergessen nach dem saufen,
so musste HP Bättig nach Hause laufen,
Doch kurz vor dem vertrauten Heim,
der andere kommt mit dem Auto das darf doch nicht sein.
Müde vom weiten Weg ging Hampe ins Bett
Bürki Michi das war nicht nett.

Im Euro-Rum gits nid vöu z'lache,
wöu si im Süde z'vöu Schulde mache.
Ou die richere Länder si am blüete,
d'Finanzminister föi afo wüete.
D'Schwiz, bekannt als Stürparadies,
macht do ned mit - das isch fies.

Me wählt lieber der bilaterali Wäg
und lösts mit komplizierte Vertrag.
S'Bankgheimnis das isch e Gruus,
Stürinahme göi dene dur d'Lappe,
es goht ned nume um paar Rappe.
Stürflüchtlinge düei ned rüntiere,
drum düei se i CDs investiere.



Der Bouboom hört be eus im Dorf ned uf
do derföu sorg e scho e ha gnue Schnuf
drum rüeft vom Schlössli scho der Hein
was choschtet ächt die ganzi Gmein

CHESSLETE

Schmutziger Donnerstag
05:00 Uhr ab Spitzenrütli
...und anschliessend
Mehlsuppe in der Turnhalle
Oberdorf offeriert durch
die Einwohnergemeinde.
Das beste Lärminstrument
wird durch die
Hookeler-Zunft prämiert!



Me chas emmer weder läse,
sogar im Färnsch hei si das zeigt
I ne Petfläsche ghört
nomme das wo ou dört droffe steit
För anderi Flössigkeite
söu me die wörklech ned bruche
Sösch sufsch Entchaucher
und das macht Problem bem schnuffe
D'Ex-Chendererzieherin
Fränzi Müller vom Bach

Turnen

sonst kann es sein dass man nie nach dem trinken,
Doch hinken war nicht sein Problem,
vielmehr wie seine Vissage hat ausgesehn.
Klettern wollte er nur kurz,
dann kam von der Sprossenwand der Sturz.
Zwygu aka Grisu



RUUUUTS


Am EHC-Olten lauft's das Jahr guet
normau macht das für Zuekunft aune Muet
wü dr Assistenstrainerposchte ehni ned stoht
der Rötheli aus Sportdirekter of Klote goht



NICOLE S. AUS H.

Immer weder ghörsch die Gschechte
vo däm Arsch chasch all Jahr brechte
ou das Jahr cha ärs ned lo si
är stoht haut mou of Jöngeri
aber 48 Jahr Untersched das esch chli vü
doch se wot hürote und esch ganz stöu
das wot die sicher nume wäg de Chole
und am Berlusconi setsch der Arsch versole

!! BITTE MELDE DICH !!
ALS ICH DICH BEIM TANZEN AM MUSIKFEST HABE STEHEN LASSEN,
WAR MIR NOCH NICHT KLAR, WIE EINSCHNEIDEND DIESE HANDLUNG IST.
ERST ALS ICH ZURÜCKKEHRTE, UM IN DIR ZU WÜHLEN,
ÜBERKAM MICH DIESES SCHRECKLICHE GEFÜHL,
DASS ICH DICH VIELLEICHT FÜR IMMER VERLOREN HABEN KÖNNTE.
NACH LANGER SUCHE WURDE AUS DIESEM GEFÜHL GEWISSEHEIT.
MEINE GELIEBTE LEDERTASCHE, ICH WÜNSCHE DIR ALLES GUTE,
DEINEM NEUEN PARTNER WÜNSCHE ICH VON HERZEN, DASS ER VON EINEM BLITZ GETROFFEN WIRD!
ER DARF DICH DANN BEHALTEN.



Am Geburi wott är ned deheime hocke,
es duet ihn nämlich nach Basu locke.
A d'Swiss Indoors füert ihn die Reis.
Für d'Outobahn bruchts e Vignette wie jede weis.
Är isch vorhär keini go poschte,
was ihn jetzt einiges söu choschte.

Der Polizischt gseht no näbebbii,
dass d'Pneu vom Wäschpi dunde si.
Nacheme Blick i Uswiis isch usecho,
dass si es Geburtstagschind hei usegno.

D'Tschugger hei Erbarme gha
und nume 40 Franke welle ha.
Nachträglich alles Gute, Bubi



"Am Morge frühe do g'hörsch ne schnarchle
es esch scho meh es diabolisch's Charchle
der Musiker Stalder het der Heiwäg nömme g'fonde
und schlofft nach der Unterhaltig ir Tornhalle onde
e guete Rot wei mer der gärn ge
vom Teufel Alkohol setsch weniger neh"



Ich wusste,
dass ich etwas vergessen habe
am fröhlichen Vogelhüttenfest
Ich wusste nur nicht mehr was es war,
stellte es dann aber zu Hause fest.
S'Schlüsslose Hurmann Keidi

**KINDER-
MASKENBALL**
Sonntag 14:00 bis 17:00
Turnhalle Oberdorf
Organisiert durch die
Schlumpf-Zunft!



Met em Drohtesu goht är go fahre
und scho zwöi Mou hole si ne mit em Chaare
langsam het ärs of der Latte
der Röhtheli Willy het scho 2 Mou gha e Platte



"Wenn Narren einen Ausflug machen
gibt es meistens was zu lachen
Skitag dieser besonderen Klasse
Orientierung mies, Sauffen Klasse
auf der falschen Route sie dann landen
wie Hühner gakernd nicht erkannt
Ausrüstung teil's auch noch verlohren
Narren werden so geboren"


BALLONTIERE BASTELN

Schmutziger Donnerstag
14:00 bis 16:00 beim Roothuus
mit ROOT XXXVI




Wie das Österreichische Aussenministerium mitteilte,
wurde dem Künstler **Albert aus Tirol** der Name "aus Tirol" entzogen.
Grund für diese Handlung war eine Klausel im Gesetz,
die es einem Künstler nicht erlaubt, eine Region zu vertreten,
wenn er sich vorwiegend in einem fremdsprachigen Raum (Gäu) aufhält.
Es wird nun über einen neuen Namen spekuliert.
Weder Behörden noch Künstler waren für eine Stellungnahme zu erreichen.
Hoch im Kurs stehen "Einfach Albert", "Albert der Grenzgänger" oder "Schon wieder Albert".
Vorschläge können bis Ende Fasnacht im Root-Huus abgegeben werden.

Schock für den Künstler Albert!




Vermisstmeldung

Alter: ca. 6 Jahre
Gewicht: ca. 11 kg
Statur: breite kantige Gestalt
Geschlecht: neutral
Äussere Erscheinung: viele Knöpfe und Schalter
Spezielle Fähigkeiten: kann laut musizieren
Zuletzt gesehen: am Chläggi-Cup in Wilchingen
Wer sachdienliche Hinweise zum Verbleib der Musikanlage hat,
soll sich bitte beim STV Hägendorf melden.



Nach dem Ausgang noch schnell in die Hippos-Bar,
er nahm das Taxi das ist wahr.
Doch beim bezahlen dieser Fahrt,
was ist denn das für eine Art?
Es kam zu einem lauten Geschrei,
und beinahe noch zur pöbelelei.
Er ist weg der Beutel mit dem Geld,
was ist denn das für eine fiese Welt?
Chauffeur hast du es mir genommen?
Dafür wirst du Ärger mit mir bekommen.
Tage später die Erlösung kam,
es war nicht so dass es jemand nahm.
Im Terminus da lag es noch,
ein Riesendepp das bist du doch.
Bürki Michu




Liebi Musik
Wenn eg me s'nöchschte Mou due be öich ine Häuferliste ischriebe,
me für 4 Schichte bereit due erkläre, möit der ned weder übertriebe,
Eg ha öich wöue zur frei Wau lo, i wellere Schecht ig söu cho bögle,
eini het mer glängt, de hät eg die anderi Zyt chöne d'Froue agögle
Dhomi Tappen



Will ein Mann das Leben geniessen,
sollte er schnellstens beschliessen,
seiner Frau ein Buch zu kaufen,
so kann er ganz alleine in den Ausgang laufen!
Das Buch der Bücher - Shades of Grey
Da fühlen sich die Männer frei.....

Of dr Zunftwanderig esch är au derbi
Er trinkt gärn es Bier oder auch chli Wy
Wöu d'Wanderig am Samschtig hert esch gsi
Si d'Schlömpf scho gli em Bettli gsi
Am Sonntig s'Zmorge säuber mache
Und de met em Trotti dr Berg z'derab krache
Muess er ächt wäg sim Gwecht z'vöu id'Isse
Die haubi Strecki of dr Fäuge, bechont fasch e Krise
Dr Schlumpf-James



**Wetsch Chole verdiene i churzer Zit,
choufesh es paar Akzie, die si der Hit.
Mit Facebook maechsch dis Portmonee fit,
bis zum Crash isch es denn nümme wit.**

!! Achtung !!

Bitte fahren Sie
nicht mehr die Piste hinunter
wenn es schon dunkel ist.

Ihr Kopf wird es
ihnen danken!

DANKE

Mürki Bichi



Vernünftig wie er ist und schlaue,
er weiss es ja auch ganz genau.
Nach der Arbeit vor dem Bier,
holt er das Töffli wegen der Schmier.
Doch die Polizei das ist nicht nett,
halten ihn für einen Depp.
Bei fast jeder zweiten Töfflifahrt,
stehen sie immer irgendwo parat.
Halten ihn mit seinem Töffli fest,
und bitten ihn zum Alkoholtest.
Doch noch niemals ist es passiert,
dass sie ihn haben einkassiert.
Zum Schluss ein Tipp um sich zu besaufen,
man könnte ja auch einmal laufen.
Zwygu


KINDERDISCO
Dienstag 14:00 bis 16:00 Uhr
beim Roothuus
mit ROOT XXXVI



Losch dr Autoschlüssel mou em Char.
Nomme ned grad doretraie
S'esch ken Grund em Ersatzschlüssel omefahn
Liit der Ersch aber ou er Cheschte
D'Garage griift mer sech haut scho a Grend
är fährt defoo möglechtscht gschwend
Wir chönnt das sii, das froget er
Het är ächt en Puck verwötscht
De Stalder Migge bitte sehr
Die Info esch haut doregrötscht



In Hägendorf in eine Beiz zu gehen,
ist fast wie im Lotto einen Ber sehn.
Es wird dir kaum ein zweites mal gelingen,
dass der selbe Wirt dein Bier wird bringen.




Forscher streiten...

...sich über die Ursache, warum beim Studer Aubi trotz seiner vielen Aktivitäten kaum Falten zu sehen sind. Die Ursache liegt aber auf der Hand: Wessen Gesicht ständig in Printmedien flach ausgedruckt wird, hat keine Möglichkeit Falten anzusetzen. Die entstehen erst später...
...dann aber mit doppelter Geschwindigkeit.



Em Architekt Nadig tüend se vertroue,
Wöu dä cha stabili Hüüser boue
Doch sini Stüehl im Setzigszimmer, die si ned de Hammer,
wo n'är abhockt esch de Setz dorebroche, so n'es gjammer!
Guet bout de Nadig keini Stüehl,
Söscht hätte d'Chonde jetzt es mieses Gfüehl!



**DER ERFOLG HAT VIELE VÄTER,
GEGANGEN WÄRE EINER BESSER SPÄTER.
DIE SIEGESSERIE SIE IST GERISSEN,
DAS IST FÜR DIESEN CLUB BESCHISSEN.
DOCH WIRD ES EUCH BESTIMMT GELINGEN,
DIESEN VORSPRUNG ÜBER DIE RUNDEN ZU BRINGEN.**

EHCO



Leider gibt Mann das nicht gerne zu
doch Frau kann es dieses Jahr im Nu
Skifahre esch haut so ne Sach
doch d'Manne si das Jahr sackschwach
aber Achtung liebi Ski-Nati vo de Froue
au das Jahr wird der Schnee mau weder tauen



FASNACHTSUMZUG

Samstag ab 14:06 Uhr
Schulhaus Oberdorf - Seniorenzentrum - Dorfplatz



Febreze schreibt man mit F
Deo schreibt man mit D
Beides hilft gegen schlechte Gerüche
Aber Deo gehört unter Achseln,
Febreze in die Loft
Tauschen möglich,
aber nicht sehr clever

Gäu Flavia



Ratschlag für Steffi Bume:
Wenn se im Schueuhus a Compi duet hocke
de fod das Deng grad a fo bocke
die andere Lehrer chöi das net verstoh
und wete se am liebschte nöm a Compi loh
so ne Compi esch fasch wie ne's mönchlich's Wäse
duet d'Stemmig und d'Lune a de Ouge abläse
wenn net guet drof besch de setisch warte
nor z'fede und glücklich casch die Cheschte starte



"Frage an Radio Erivan: Was ist eine „Klatsche“
Antwort von Radio Erivan: 296 : 5






Mit der ERO Entlastung Region Olten war Rickenbach nicht glücklich. Sie wollten eine eigene ERO und erstellten die ebenerdige Rickenbacher Oase. Ein Lehrbeispiel für planerisches Feingefühl, welches an Simplizität und Stabilität kaum zu übertreffen ist. So oder so sind wir gespannt, wie sich aus der Entlastung Region Olten die BAR Belastung Angrenzender Regionen entwickelt.

Checkliste für Ferien:

1. Packen von Kleidern und Körperpflegesachen
 2. Pass, Tickets und auch das Geld bereit machen
 3. Ausschalten der elektrischen Geräte nicht vergessen
 4. Die Lebensmittel im Kühlschrank entsorgen oder essen
 5. Post zurückhalten lassen, Briefkastenleerung organisieren
 36. Agenda prüfen, dann 100% kann nichts mehr passieren
- Für Punkt 36 ist morgen zu spät, deine Freunde müssen dich deshalb von der Arbeit holen, damit du den Flug nach Bangkok nicht verpasst und dich noch kannst im Urlaub erholen.

Deppen (wortwörtlich) Yanik



• Morgen




D'Angsch gicht ume im ganze Grau,
es sig e schwarze Panther, ned e Leu.
Z'Cheserholz heig me im gseh,
doch plötzlich isch ar niene me.
Es git huffe Gaifer, d'ört und da,
drum isch das Tierli uf und dervo



Fröndi, Auto fahre esch ned schwär,
dänkt d'Manu ond trenkt ehres Mineral läär!
Doch wenn mer emmer gschaltet fahrt
ond de plötzlich en Automat onderem Födli het,
cha das spektakulär wärde, jedi Wett!
De Schlössu dräie ond langsam usem Parkplatz fahrt,
doch das Auto het so sini Gfahre!
Nei, es rogelet ned eifach los,
es höpft ond gompert mette uf d'Stross!
Guet het dä vorem Auto gmerkt, das är muess abhoue
Sösch hätt d'Manu no en Onfall boue....

NACH DEM HÖCKELER- JAHRESBOTT,
DIESER WÄR JA WIEDER TOP.
DOCH AM SCHLUSS VON DIESER FEIER,
KAMEN NOCH CHREGU UND DER MEIER.
WOLLTEN DIESE SCHLÜMPFE SEHEN,
WIE EIN RECHTES FEST TUT GEHEN?
ODER TUN SIE NACH VIELEN BLAU-WEISSEN JAHREN,
PLÖTZLICH NOCH AUF VIOLETT ABFAHREN?



IM HIPPOS HET DR MÄRCU GNUE
ÄR HÖRT UF UND WOT JETZT RUEH
DOCH DR ZWYGU DÄ MACHT WITER
ZOM GUETE GLÖCK DAS WÄR
SCHÖSCH BITTER

SCHNITZELBÄNKE & GUGGENMUSIK


Schmutziger Donnerstag
ab 20.00 Uhr in den
Fasnachtsbeizen
Mit ROOT XXXVI,
Höckler-Zunft,
Schlumpf-Zunft,
Hägageri Gugge
und "Auti Seck"




Durch äussere Umstände schien im obersten Stock im Herzel 999 die Heizung ausgefallen zu sein. Nur so ist zu erklären, dass Sie sich mit einer Kappe (g'Chäppelet) ins Bett legen musste. Es ist noch unklar ob Barbara S. den Fall an die Behörden weitergibt um den Hausbesitzer zu verklagen. Vielleicht wird die Sache auch familienintern geregelt.

Drama im Herzel – Heizung ausgefallen!

"Wenn du nach dem Musikfest in Rickenbach heimwärts ziehst
dann schiebe dein Fahrrad das schwankende Biest
so kann dich kein Baum oder Busch anspringen
und man muss dich nicht zum Arzte bringen
Liebe Babs!"



**WANDERER STINKE
UND HEI DRÄCKIGI SCHUE,
DOROM DÜEI MIR D'BEIZ
AM WOCHENÄNDI ZUE.
S'SCHLUCHT-TEAM**



Das ist ja wirklich nicht zu glauben,
eine 3 Fach Halle woll'n sie bauen,
Unsere Gemeinderäte sind doch Naaren,
dagegen bei der Schule sparen,
Doch das hätten sie nicht gedacht,
Diese Versammlung das war Toll,
die Mehrzweckhalle pumpenvoll,
Das Resultat der Abstimmung war klar,
eine eindeutige Sache das war,
Gespart wird bei unserer Schule nicht,
ihr seid doch alle nicht ganz dicht.




Met em neue Auto goge poschte
das cha es betzeli Nerve choschte
dezu muesch de no schiniere
wenn im Gäupark wotsch parkiere
wöu se dr Motor ned abstöue cha elei
fährt Meier Gret haut weder hei



Ein Anruf vom Nachbar bei der Feuerwehr reicht,
und deine Katze wieder vom Baume schleicht.
Flammer Märclu + Brige

Das Sprichwort "schlemmer chas nömme cho" veit d'Sereina nömme ghöre,
das hätt sie nochem Abschleppe im Gäupark-Kreisel chönne schwäre!
Schlemmer chas nömme cho
ond zwöi Tag später, z'Arrau ergendwo,
fährt doch so ne Depp is Ourto vo de Sercaina,
wie vöu Päch het sie doch gha,....



**IM MCDONALDS RANDALIERE,
DAS HET MANU VÖGELI MOU WELLE USPROBIERE!
RÜEHRT SIE DOCH EHRES TABLEAU SAMT MENU UF DE BODE,
POMMES OND COLA SEND WONDERBAR GELOGE!**



Kein Alkohol ist auch keine Lösung!

Es gibt keinen Grund Alkohol zu trinken,
wohl aber stets einen Anlass.
Nach so einem Anlass kann es schon mal vorkommen,
dass man tagelang seinen Autoschlüssel sucht,
den man die ganze Zeit im Portemonnaie mit sich rumträgt.
Na dann Prost Ungi



Fuessball luege isch es riese Ding,
ab beschte imene Stadion drinn.
Nur so chasch für dini Mannschaft fäne.
Klappt das ned, so gits fascht Träne.
Sini liebschte Farbe si blau und rot,
dumm, dass är vor em Joggeli stoht.
S'Saison-Abi isch de heime blibe,
der Pädü Ryser hets uf d'Palme tribe.



Eine Bootsfahrt die ist Lustig
Die Sonne scheint und macht durstig
Nach dem Genuss von alkoholischen Getränken
Will das Hirn nicht mehr so gut denken
Der Anker ist noch am Seeboden
Da kann man Gas geben und toben
Passiert ist dies es ist wunderbar
Em Root XXXV, das ist ja sonnenklar



DRINGEND GESUCHT !!
ICH SUCHE FÜR DIE NÄCHSTE CHESSLETE NOCH DRINGEND EIN NAVIGATIONSSYSTEM
DA ICH WEDER WEISS, WER SPITZEN RÜTI IST NOCH WO ER WOHNEN KÖNTE.
ICH MÖCHTE AUCH MAL AN DER CHESSLETE STARTEN.
ANGEBOTE BITTE AN MAMA MARIA



SMS an Yves und Simi:
„Wo esch öises Skiweekänd?“

Antwort:
Das esch hür Dänk ir schöne Länk“
Hirn an Körper:
„Ab is Bärneroberland und de z'Spiez chli rächts“
Chonsch a, kei Kollege und ou kei Unterkunft duesch könne
Duesch telefoniere und merksch das die hesch verrönne
Statt ir Länk besch haut du gfahre of Adubode
Muesch dorom haut jetz mache nomou e grosse Boge
Sevi Winter

WENN BSUECH BECHONSCH DUESCH ÖPPIS CHOCHÉ
WER WAS DUET MACHE WIRD MET EM MAA BESPROCHE
FÜR S'DSSERT ESCH SE DE VERANTWORTLICH GSI
DOCH BEM MACHE STUDIERT SE NÜT DERBI
STATT ZUCKER HET SE FÜR E TARTE TATIN SALZ VERWENDET
SO HET KARIN SCHNEIDER DAS ÄSSE SCHNÄU BEENDET




D'Vorfreud isch gross,
ändlich wieder öppis los!

S'Coldplay-Konzärt stoht vor der Tür,
so es Ticket isch no ziemlich tüür.

Das set me guet ufbewahre,
wenn me sich Ärger will erspare.

S'Basi Jürki weiss wies louft,
si het nämlich nomou eis koult.

Da trafen sich zwei und fingen an
Ein Kleid zu nähen, das Drama begann.
Ohne Erfahrung aber mit viel Motivation legten sie los,
das Talent eine Fasnachtsrobe zu nähen
fällt nicht jedem in den Schoss.
„Z'Fadeschloh“ gilt nicht mehr
„Göfele“ ist nur halb so schwer!
Doch schmerzt es weniger,
wenn man den Faden im Kleid vergisst,
als wenn man die Nadeln plötzlich vermisst!
Gut hat sich noch ein Profi
mit dem Werk der beiden Hühner befasst,
sonst hätten Alex und Sara
dieses Jahr die Fasnacht ghasst!



Ändlech esch's sowiit
Sesch weder mou Theaterziit
Theatergroppe ladet i
Es Programmbüechli muess scho si

Är sött e Bank aus Sponsor aaschriibe
Aber nome eini, bi dere sölls bliibe
Der Vorstand seit ems ganz genau
Nome glost – Do het ke Sau

Är schriibt frösch fröhlech Banke a
Ond das Drama fot jetz a
Raiffise aus Hauptsponsor denn izaut
BEKB ou, weu Kultur ene gfaut

Jetzt muess das Gäud zrogg of BEKB
Är het gmeint, s'häbs niemer gseh.
Wer nicht hört muss fühlen, hetts Muetti gseit
Büttikofer Chregu, jetz besch haut inegheit.



„Walter lass dir das von kompetenter Seite sagen
Wasser im falschen Tank erzeugt lauter Klagen
im Bohnentank Wasser gibt ein grosses Problem
erzeugt im Mahlwerk ganz komische Tön
das Maleur kann man nur bekämpfen
wenn man der Betriebsanleitung mehr Beachtung tut schenken

S'LIED VOM ROOT

Jedes Jahr, esch ä andere dra
Ond leit das rote Kostüm met der Larve a
Ä Bäse i der Hand ond Schäue am Gwand
Aus Root esch är bekannt im ganze Land
Äs esch ä grossi Ehr, das weiss doch Gross ond Chli
Ond set me aus drüü Jahrzent esch er derbie
Är esch der Obernarr, är esch ä Superstar
Ond fühert öis guet dor d'Narrezyt, das esch jo klar
Ref.

Wäge Dir, esch d'Fasnacht erst das wo si esch
Wäge Dir, du gesch emmer dis bescht
Wäge Dir, gomppe mer über Stock u Stei
und nume wäge Dir, fühle mer öis dehei

Er gseht chli gförchig us, aber Angst muesch ned ha
Doch mängmou sprengt er glich de chline chender na
Vör die öutere Lüt, esch er ä bsondere Typ
Wenn er z'gompe chont – met sim ganze Glüt

Er regiert i der Zit, seit was louft im Dorf
S'get ou Lüt die fende eus – zemlech doof
Doch mer stöi zo ehm – wo är ou häne maschiert
Mer folge em Root was emmer ou passiert
Ref.

Wäge Dir, get sech Gross ond Chli hüt d'Hand
Wäge Dir, feschte mer au metenand
Wäge Dir, lohnt sich doch erscht di ganzi Fuehr
und nume wäge Dir, und nume wäge der,
houe mer über d'Schnuer
und nume wäge Dir, und nume wäge der,
houe mer über d'Schnuer

Z'HÄGEDORF Ab i Süde

**Schmutziger Donnerstag,
7. Februar 2013**

CHESSLETE
Punkt 05.00 Uhr chesslet's durchs ganze Dorf. Anschliessend Mehlsuppe in der Turnhalle Oberdorf.
Das beste Lärminstrument wird von der Höckeler-Zunft prämiert.
Start: beim Spitzacker



BALLONTIERE BASTELN

Von 14.00 bis 16.00 Uhr basteln Root XXXVI. und seine Helfer mit den Kindern Ballontiere auf dem Dorfplatz.



SCHNITZELBÄNKE UND GUGGEMUSIK

Ab 20.00 Uhr in den Restaurants Teufelsschlucht, Tell, Zeus (Ex-Florina), Schlüssel sowie im Bistro Vögeli durch Root XXXVI., Höckeler-Zunft, Schlumpf-Zunft, Hägageri-Gugge und Auti Seck.



Ab 23.59 Uhr „Open House“ im Homberg Pub&Bar und im Shakespeare.

**Fasnachtsfreitag,
8. Februar 2013**

**SENIORENFASNACHT
MIT SPIEL, SPASS UND ATTRAKTIONEN**
13.30 Uhr in der Turnhalle Oberdorf, organisiert von der Hägageri-Gugge i.A. der Einwohnergemeinde.
Mitwirkende: Root XXXVI., alle Zünfte, Kliquen und die Gugge.
Siehe persönliche Einladung.



BEIZENFASNACHT MIT MASKENTREIBEN

Ab 20.00 Uhr in sämtlichen Fasnachts-Beizen von Hägedorf, alle Fasnächtler machen mit.
Ab 20.59 Uhr „Open House“ im Homberg Pub&Bar und im Shakespeare.



**Fasnachtssamstag,
9. Februar 2013**

FASNACHTS-UMZUG
Alt und Jung sind herzlich eingeladen.
Beginn: 14.06 Uhr Schulhausplatz Oberdorf. Im Anschluss offeriert die Gemeinde das traditionelle Wienerli mit Brot auf dem Dorfplatz (nur für Kinder und Umzugsteilnehmer).

Anschliessend FASNACHTSTREIBEN AUF DEM DORFPLATZ
mit verschiedenen Essens- und Getränkeständen und -zelten.



SCHNITZELBÄNKE UND GUGGEMUSIK

Ab 19.00 Uhr in den Restaurants Teufelsschlucht, Tell, Zeus (Ex-Florina) und Schlüssel durch Root XXXVI., Höckeler-Zunft, Schlumpf-Zunft Hägageri-Gugge und Auti Seck.



**Fasnachtssonntag,
10. Februar 2013**

KINDERMASKENBALL
Von 14.00 - 17.00 Uhr in der Turnhalle Oberdorf.
Eintritt: Fr. 5.- inkl. Hot-Dog

**Fasnachtsmontag,
11. Februar 2013**

KINDERSCHMINKEN UND FASNACHTSTREIBEN
Rund ums Root-Huus kunterbuntes Treiben mit Root XXXVI.
Ab 14.00 Uhr Kinderschminken, ab 15.00 Uhr Konfettischlacht mit Root XXXVI., Guggen-Klänge.



HÖCKELER-MASKENBALL

Ab 20.00 Uhr in der Turnhalle Oberdorf. Tanz und Unterhaltung mit 5-Mann Orchester „Magic River Band“
Eintritt: Fr. 10.- / Vollmasken frei. Auftritte Chräieschränzer Egerchinge, Gäuschränzer Gunzge, Stedtlhüpfer Wiedlisbach und natürlich der Hägageri-Gugge Hägedorf!



Dienstag ab 03.30 Uhr „Power-Frühstück“ im Bistro Vögeli.

**Fasnachtisdienstag,
12. Februar 2013**

KINDERDISCO AUF DEM DORFPLATZ
Von 14.00 bis 16.00 Uhr lustiges Fasnachtstreiben auf dem Dorfplatz.



HOTSCHIFÜÜR MIT ANSCHLIESSENDER USLOMPETE

Um 19.06 Uhr zündet der Root XXXVI. auf dem Dorfplatz das „Fasnachtsfüür 2013“ an.
Anschliessend Uslompete auf dem Dorfplatz, im Root-Huus und im Restaurant Tell.

